

杜工部集

冊三

杜工部集卷第八目錄

古詩四十五首

宿青溪驛懷張員外

敬寄族弟唐十八使君

憶昔行

魏將軍歌

北風

客從

白馬

白鳧行

朱鳳行

惜別行

醉歌行

夜聞簾策

發劉郎浦

別董頰

送重表姪王砮評事使南海

詠懷二首

送顧八分文學適洪吉州

上水遣懷

遣遇

解憂

宿鑿石浦

早行

過津口

次空靈岸

宿花石戍

早發

次晚洲

望嶽

湘江宴餞裴二端公赴道州

清明

風雨看舟前落花

岳麓山道林二寺行

奉送魏六丈佑少府之交廣

別張十三建封

暮秋裴道州手札率爾遣興寄近呈蘇渙侍御

奉贈李八丈判官

歲晏行

人日寄杜二拾遺

高適

追酬故高蜀州人日見寄

蘇大侍御訪江浦賦八韻記異

并序

題衡山縣文宣王廟新學堂呈陸宰

入衡州

舟中苦熱遣懷奉呈陽中丞通簡臺省諸公

聶耒陽以僕阻水書致酒肉療飢荒江詩得代

懷興盡本韻至縣呈聶令

杜工部集卷第八目錄

杜工部集卷第八

古詩四十五首

居松陵公安及至湖南作

宿青溪驛奉懷張員外十五兄之緒

漾舟千山內日入泊枉渚我生本飄飄今復在何許
石根青楓林猿鳥聚儔侶月明游子靜畏虎不得語
中夜懷友朋乾坤此深阻浩蕩前後間佳期付荆楚
敬寄族弟唐十八使君

與君陶唐後盛族多其人聖賢冠史籍枝派羅源津
在今氣磊落巧僞莫敢親介立實吾弟濟時肯殺身
物白諱受玷行高無汚真得罪永泰末放之五溪濱
鸞鳳有鍛翮先儒曾抱麟雷霆霹長松骨大却生筋
一失不足傷念子孰自珍泊舟楚宮岸戀闕浩酸辛
除名配清江厥土巫峽鄰登陸將首途筆札枉所申

歸朝踞病肺敘舊思重陳春風洪濤壯谷轉頗彌旬
我能泛中流塘突鼉獺瞋長年已省梅慰此貞良臣

憶昔行

憶昔北尋小有洞洪河怒濤過輕舸辛勤不見華蓋
君良岑青輝慘么麼千崖無人萬壑靜三步回頭五
步坐秋山眼冷魂未歸仙賞心違淚交墮弟子誰依
白茅一作石室盧老獨啓青銅鎖巾拂香餘搗藥塵階

前一作

除灰死燒丹火元圃滄洲莽空闊金節羽衣飄

婀娜落日初霞閃餘映倏忽東西無不可松風礪水
聲合時青兕黃熊啼向我徒然咨嗟撫遺迹至今夢
想仍猶佐一作音如佐秘訣隱文須內教晚歲何功使一作
收願果更討一作覓衡陽董鍊師南浮一作游早鼓瀟湘

梅

魏將軍歌

將軍昔著從事衫鐵馬馳突重兩銜被堅執銳略西
極崑崙月窟東嶄巖君門羽林萬猛士惡若哮虎子
所監五年起家列霜戟一日過海收風帆平生流輩
徒蠢蠢長安少年氣欲盡魏侯骨聳精爽緊華嶽峯
尖見秋隼星纏寶校金盤陀夜騎天駟超天河攬槍
熒惑不敢動翠蕤雲旂相蕩摩吾爲子起歌都護酒
闌插劍肝膽露鉤陳蒼蒼風元武武暮元萬歲千秋
奉明主臨江節士安足數

北風

北風破南極朱鳳日威

一作低

垂洞庭秋欲雪鴻雁將

安歸十年殺氣盛六合人烟稀吾慕漢初老時清猶
茹芝

客從

客從南溟來遺我泉客珠珠中有隱字欲辨不成書
緘之篋笥久以俟公家須開視化爲血哀今徵斂無

白馬

白馬東北來空鞍貫雙箭可憐馬上郎意氣今誰見
近時主將戮中夜商一作傷於戰喪亂死多門嗚呼淚
如霰

白鳧行

君不見黃鵠高于五尺童化爲白鳧似一作象老翁故

畦遺穗已蕩盡天寒歲一作日暮波濤中鱗介腥羶素

不食終日忍飢西復東魯門鷄鷓亦蹭蹬聞道如一作樊

于今猶避風

朱鳳行

君不見瀟湘之山衡山高山巔一作巖本朱鳳聲一作鳴

嗷嗷側身長顧求其羣一作曹翅垂口噤心甚勞一作勞勞

下愍百鳥在羅網黃雀最小猶難逃願分竹實及螻

蟻盡使鴟梟相怒號

惜別行送向卿進奉端午御衣之上都

肅宗昔在靈武城指揮猛將收咸京向公一云向公亦衛伯玉蓋茂

字傳寫之誤泣血洒行殿佐佑卿相乾坤平逆胡冥冥隨

烟燼卿家兄弟功名震麒麟圖一作閣畫鴻雁行紫極

出入黃金印尚書勳業超千古雄鎮荊州繼吾祖裁

縫雲霧成御衣拜跪題封向吳本作賀端午向卿將命寸

心赤青山落日江潮白卿到朝廷說老翁漂零已是

滄浪客

醉歌行贈公安顏少府請顧八題壁英華作贈公安縣顏十少

神仙中人不易得顏氏之子才孤標天馬長鳴待駕
 馭秋鷹整翮當雲霄君不見東吳顧文學君不見西
 漢杜陵老詩家筆勢君不嫌詞翰升堂為君掃是日
 霜風凍七澤烏蠻落照銜赤壁酒酣耳熱忘頭白感
 君意氣無所惜一為歌行歌主客

一本云醉歌行
歌主客英華同

夜聞簾策

夜聞簾策滄江上衰年側耳情所嚮鄰舟一聽多感
 傷塞曲三更歛悲壯積雪飛霜此夜寒孤燈急管復
 風一作湍君知天地一作下干戈滿不見江湖一作行
 路難

發劉郎浦

挂帆早發劉郎浦疾風颯颯昏亭午舟中無日不沙

塵岸上空村盡豺虎十日北風風未迴客行歲晚晚
尤一作相催白頭厭伴漁人宿黃帽青鞋歸去來

別董頰

窮冬急風水逆浪開帆難士子甘旨闕不知道里寒
有求彼樂土南適小長安到刊作別我舟楫去覺君衣

裳單素聞趙公節兼盡賓主歡已結門廬一作閩望無

令霜雪殘老夫纜亦解脫粟朝未餐飄蕩兵甲際幾

時懷抱寬漢陽頗寧靜峴首試考槃當念著白帽一作

褐采薇青雲端

送重表姪王砮評事使南海

砮力制切說文引詩深則砮

我之曾祖吳作老姑爾之高祖母爾祖未顯時歸爲尙

書婦王珪也隋朝大業末房杜俱交友長者來在門荒

年自餬口家貧無供給客位但箕箒俄頃羞頗珍一作

頰羞

寂寥人散後入怪鬢髮空吁嗟爲之久自陳翦

髻鬢鬻市充盃

一作沽

酒上云天下亂宜與英俊厚向

竊窺數公經綸亦俱有次問最少年虬髯十八九子
等成大名皆因此人手下云風雲令龍虎一吟吼願
展丈夫雄得辭兒女醜秦王時在坐真氣驚戶牖及
乎貞觀初尚書踐台斗夫人常肩輿上殿稱萬壽六
宮師柔順法則化妃后至尊均嫂叔盛事垂不朽鳳
雛無凡毛五色非爾曹往者胡作逆乾坤沸噉噉吾
客左馮翊爾家同遁逃爭奪至徒步塊獨委蓬蒿逗
留熱爾腸十里却呼號自下所騎馬右持腰間刀左
牽紫遊韁飛走使我高苟活到今日寸心銘佩牢亂
離又聚散宿昔恨滔滔水花笑白首春草隨青袍廷
評近要津節制收英髦北驅漢陽傳南泛上瀧舫家

聲肯墜地利器當秋毫番禺親賢領籌運神功操大
夫出盧宋樊作宗寶貝休脂膏洞主降接武海胡舶千
艘我欲就丹砂跋涉覺身勞安能陷糞土有志乘鯨
鼇或驂鸞騰天聊樊作不作鶴鳴皋

詠懷二首

人生貴是男丈夫重天機未達善一身得志行所爲
嗟余竟輾軻將老逢艱危胡雛逼神器逆節同所歸
河雒化爲血公侯一作獅草間啼西京復陷沒翠蓋蒙

塵飛萬姓悲赤子兩宮棄紫微倏忽向二紀奸雄多

是非本朝再樹立未及貞觀時日給在軍儲上官督

有司高賢迫形勢豈暇相扶持疲茶苟懷策棲屑無

所施先王實罪己愁痛正爲茲歲月不我與蹉跎病

于斯夜看鄴城氣回首蛟龍池齒髮已自料意深陳

苦

吳本
作昔詞

邦危壤法則聖遠益愁慕飄颻桂水遊悵望蒼梧暮
潛魚不銜鉤走鹿無反顧皦皦幽曠心拳拳異平素
衣食相拘鬪朋知限流寓風濤上春沙千一作里侵

刊作
浸

江樹逆行少

陳作
值

吉日時節空復度井竈任塵

埃舟航煩數具牽纏加老病瑣細隘俗務萬古一死
生胡爲足名數多憂汗桃源拙計泥銅柱未辭炎瘴
毒擺落跋涉懼虎狼窺中原焉得所歷住葛洪及許
靖避世常此路賢愚誠等差自愛各馳驚羸瘠且如
何魄奪針灸屢擁滯僮僕慵稽留篙師怒終當挂帆
席天意難告訴南爲祝融客勉強親杖屨結託老人
星羅浮展衰步

送顧八分文學適洪吉州

中郎石經後八分蓋憔悴顧侯運鑪錘筆力破餘地

昔在開元中韓擇蔡麟同龔龔元宗妙其書是以數

子至御札早流傳揄揚非造次三人並入直恩澤各

不二顧於韓蔡內辨眼工小字分日示英華作侍諸王鉤

深法更秘文學與我遊蕭疎外聲利追隨二十載浩

蕩長安醉高歌卿相宅文翰飛省寺視我揚馬間白

首不相棄驂騑入窮巷必脫黃金轡一論朋友難遲

暮敢失墜古來事反覆相見橫涕泗嚮者玉珂人誰

是青雲器才盡傷形體一作駭病渴汗官位故舊獨依

然時危話顛躓我甘多病老子負憂世志胡為困衣

食顏色少稱遂遠作辛苦行順從衆多意舟楫無根

蒂蛟鼉好為祟况兼水賊繁特戒風飈駛崩騰戎馬

際一作險往往殺長吏子干東諸侯勸一作勤勉防縱恣

邦以民為本魚鱓費香餌請哀瘡痍深告訴皇華使
使臣精所擇進德知歷試惻隱誅求情固應賢愚異
列烈一作士惡苟得俊傑思自致贈子猛虎行出郊載
酸鼻

上水遣懷

我衰太平時身病戎馬後蹭蹬多拙為安得不皓首
驅馳四海內童稚日餬口但遇新少年少逢舊親友
低顏下色地故人知善誘後生血氣豪舉動見老醜
窮迫挫曩懷常如中風走一紀出西蜀于今向南斗
孤舟亂春華草一作暮齒依蒲柳冥冥九疑葬聖者骨
亦已一作朽蹉跎陶唐人鞭撻日月久中間屈賈輩讒
毀竟自取鬱沒悒一作二悲魂蕭條猶在否齒萃清湘
石逆行雜林藪篙工密逞巧氣若酣盃酒歌謳互激

遠越一作

回幹明受

相一作

授善

蓋一作

知應觸類各藉穎

脫手古來經濟才何事獨罕有蒼蒼衆色晚熊挂元

虵吼黃羆在樹顛正爲羣虎守羸骸將何適履險顏

益厚庶與達者論吞聲混瓊垢

遣遇

磬折辭主人開帆駕洪濤春水滿南國朱崖雲日高

舟子廢寢食飄風爭所操我行匪利涉謝爾從者勞

石間采蕨女鬻菜

市一作

輸官曹丈夫死百役暮返空

村號聞見事略同刻剝及錐刀貴人豈不仁視汝如

莠蒿索錢多門戶喪亂紛嗷嗷奈何黠吏徒漁奪成

逋逃自喜遂生理花時甘

刊一作

緼袍

解憂

減米散同舟路難思共濟向來雲濤盤衆力亦不細

呀坑一作作瞥眼過飛櫓本無蒂得失瞬息間致遠

宜恐泥百慮視安危分明曩賢計茲理庶可廣拳拳

期勿替

宿鑿石浦

早宿賓從勞仲春江山麗飄風過無時舟楫敢不作一作

不敢繫回塘澹暮色日沒衆星擘缺月殊未生青燈死

分翳窮途多俊異亂世少恩惠鄙夫亦放蕩草草頻

卒年樊作歲斯文憂患餘聖哲垂彖繫

早行

歌哭俱在曉行邁有期程孤舟似昨日聞見同一聲

飛鳥數一作散求食潛魚亦一作向獨驚前王作網罟設

法害生成碧藻非不茂高帆終日征干戈未一作異揖

讓崩迫開樊作其情

過津口

南岳自茲近湘流東逝深和風引桂楫春日漲雲岑
回首過津口而多楓樹林白魚困密網黃鳥喧嘉音
物微限通塞惻隱仁者心瓮餘不盡酒膝有無聲琴
聖賢兩寂寞眇眇獨開襟

次空靈岸

汙汙逆素浪落落展清眺幸有舟楫遲得盡所歷妙
空靈霞石峻楓枯一作枯隱奔峭青春猶無一作有私白

日亦

一作已

偏照可使營吾居

一作屋

終焉託長嘯毒瘴

未足憂兵戈滿邊徼嚮者留遺恨恥爲達人諂迴帆
覬賞延佳處領其要

宿花石戍

午辭空靈岑夕得花石戍岸疏開闢水

一作山

木雜今

古樹地蒸南風盛春熱西日暮四序本平分氣候何
迴互茫茫天造間理亂豈恆數繫舟盤藤輪策杖古
樵路罷人不在村野圃泉自注柴扉雖蕪沒農器尙
牢固山東殘逆氣吳楚守王度誰能扣君門下令減
征賦

早發

有求常百慮斯文亦吾病以茲朋故多窮老驅馳併
早行篙師怠席挂風不正昔人戒垂堂今則奚奔命
濤翻黑蛟躍日出黃霧映煩促瘴豈侵頽倚睡未一作

還

醒僕夫問盍櫛暮顏

一作未

靦青鏡隨意簪葛巾仰

慚林花盛側聞夜來寇幸喜囊中淨艱危作遠客干
請傷直性薇蕨餓首陽粟馬資歷聘賤子欲適從疑
悞此二柄

次晚洲

參錯雲石稠坡陔風濤壯晚洲適知名秀色固異狀
棹經垂猿把身在度鳥上擺浪散帙妨危沙折花當
羈離暫愉悅羸老反惆悵中原未解兵吾得終疎放

望嶽

南嶽配朱鳥秩禮自百王歛吸領地靈鴻頌一作洞半

炎方邦家用祀典在德非馨香巡守何寂寥有虞今

則亡洎

洎一作

吾隘世網行邁越瀟湘渴日絕壁出漾

舟清光旁祝融五

三一作

峯尊峯峯次低昂紫蓋獨不

朝爭長業相望恭聞魏夫人羣仙夾翱翔有時五峯

氣散風如飛霜牽迫限恨一作修途未暇杖崇岡歸來

覲命駕沐浴休玉堂三歎問府主曷以贊我皇牲璧

忍

一作感

衰俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅秩初筵
鄙人奉末眷佩服自早年義均骨肉地懷抱罄所宣
盛名富事業無取愧高賢不以喪亂嬰保愛金石堅
計拙百寮下氣蘇君子前會合苦不久哀樂本相纏
交遊颯向盡宿昔浩茫然促觴激百慮掩抑淚潺湲
熱雲集曛黑一作初集黑缺月未生天白團為我破華燭
蟠長烟鵝鶻一作鶻鶻一作鶻鶻催明星解袂從此旋上請減兵
甲下請安井田永念病渴老附書遠山巔

清明

著處繁花務陳作華矜是一作足日長沙千人萬人出渡頭

翠柳豔明眉爭道朱蹄驕鬣郝此都好遊湘西寺諸

將亦一作遠方自軍中至馬援征行在眼前葛強山簡將

也親近同心事金鐙廣韻鐙與鐙同下山紅粉一作目晚牙檣

振拖青樓遠古時喪亂皆可知人世悲歡暫相遣弟

姪雖存不得書干戈未息苦離一作難居逢迎少壯非

吾道况乃今朝更祓除

風雨看舟前落花戲為新句

江上人家桃樹枝春寒細雨出疎籬影遭碧水潛勾

引風妬紅花却倒吹吹花困癩一作懶傍舟楫水光風

力俱相怯赤憎輕薄遮入一作人懷珍重分明不來接

一作折溼久飛遲半日一作欲高縈沙惹草細於毛蜜蜂

蝴蝶生情性一作住偷眼蜻蜓避百勞

岳麓山道林二寺行

玉泉之南麓山殊道林林壑爭盤紆寺門高開洞庭

野殿腳插入赤沙湖五月寒風冷佛一作拂骨六時天

樂朝香爐地靈步步雪山草僧寶人人滄海珠塔劫

宮牆壯麗敵香一作石廚松道清涼一作崇俱蓮花一作俱陳

池交響共命鳥金榜雙迴三足鳥方丈涉海費時節

元圃尋河知有無暮年且喜經行近春日兼蒙暄暖

扶飄然斑白身一作將奚適傍此烟霞茅可誅桃源人

家易制度橘洲田土仍膏腴潭府邑中甚瀟古太守

庭內不喧呼昔遭衰世皆晦迹今幸樂國養微軀依

止老宿亦未晚富貴功名焉足圖久為野一作謝客尋

幽慣細學何一作周顯免興孤一重一掩一作山吾肺腑山

一作仙鳥山花吾友于宋公一作之問放逐曾題壁物色分

留與一作待老夫

奉送魏六丈佑少府之交廣

賢豪贊經綸功成空名一作各空垂子孫不振耀一作沒不振

歷代皆有之鄭公四葉孫長大常苦飢衆中見毛骨

猶是麒麟兒磊落貞觀事致君樸直詞家聲蓋六合

行色何其微遇我蒼梧陰野一作忽驚會面稀議論有

餘地公侯來未遲虛思黃金貴遺一作自笑青雲期長

卿久病渴武帝元同時季子黑貂敝得無妻嫂欺尙

爲諸侯客獨屈州縣卑南游炎海甸浩蕩從此辭窮

途仗神道世亂輕土宜解帆歲云暮可與春風歸出

入朱門家華屋刻蛟螭玉食亞王者樂張游子悲侍

婢豔傾城綃綺輕煙一作霧霏掌中琥珀鍾行酒雙透

迤新歡繼明燭梁棟星辰飛兩情顧盼合珠碧贈于

斯上貴見肝膽下貴不相見一作疑心事披寫間氣酣

達遠一作所爲錯揮鐵如意莫避珊瑚枝始兼無一作逸

邁興終慎賓主儀戎馬闔天宇嗚呼生別離

別張十三建封

嘗讀唐實錄國家草昧初劉裴建首義龍見尚躊躕
秦王撥亂姿一劍總兵符汾晉爲豐沛暴隋竟滌除
宗臣則廟食後祀何疎蕪彭城英雄種宜膺將相圖
爾惟外曾孫倜儻汗血駒眼中萬少年用意盡崎嶇
相逢長沙亭乍問緒業餘乃吾故人子童丱聯居諸
揮手洒衰淚仰看八尺軀內外名家流風神蕩江湖
范雲堪晚晉作友嵇紹自不孤擇材征南幕湖一作
落回鯨魚載感賈生慟復聞樂毅書主憂急盜賊師
老荒京都舊邱豈稅駕大廈傾宜扶君臣各有分管
葛本時須雖當霰雪嚴未覺枯柏枯高義在雲臺嘶
鳴望天衢羽人掃碧海功業竟何如

暮秋枉裴道州手札率爾遣興寄近呈蘇渙侍

御

久客多枉友朋書素書一月凡一束虛名但蒙寒溫
問泛愛不救溝壑辱齒落未是無心人舌存恥作窮
途哭道州手札適復至紙長要自三過讀盈把那須
滄海珠入懷本倚崑山玉撥棄潭州百斛酒蕪沒瀟
岸千株菊使我晝立煩兒孫令我夜坐費燈燭憶子
初尉永嘉去紅顏白面花映肉軍符侯印取豈遲紫
燕綠耳行甚速聖朝尙飛戰鬪塵濟世宜引英俊人
黎元愁痛會蘇息夸狄跋扈徒逡巡授鉞築壇聞意
旨類網漏網期彌綸郭欽上書見大計劉毅答詔驚
羣臣他日更僕語不淺明公論兵氣益振傾壺簫管
黑一作理髮儻劍霜雪吹青春宴筵曾語蘇季子
後來傑出雲孫比茅齋定王城郭門藥物楚老漁商

珍傲宋版
市市北肩輿每聯袂郭南抱甕亦隱几無數將軍西
第成早作丞相東山起烏雀苦肥秋粟菽蛟龍欲螫
寒沙水天下鼓角何時休陣前部曲終日死附書與
裴因示蘇此生已媿須人扶致君堯舜付公等早據
要路思捐軀

奉贈李八丈判官

曠

我丈時英特宗枝神堯後珊瑚市則無駮驥人得有
早年見標格秀氣衝星斗事業富清機官曹正獨守
頃來樹嘉政皆已傳衆口艱難體貴安冗長吾敢取
區區猶歷試炯炯更持久討論實解頤操割紛應手
篋書積諷諫宮闕限奔走入幕未展材
懷一作秉鈞孰
爲偶所親問淹泊泛愛惜衰朽垂白亂
辭一作南翁委
身希北叟真成窮轍鮒或似喪家狗秋枯洞庭石風

颯長沙柳高興激荆衡知音爲回首

歲晏行

歲云暮矣多北風瀟湘洞庭白雪

一作雲

中漁父天寒

網罟凍莫徭射雁鳴桑弓去年米貴闕軍食今年米
賤大傷農高馬達官厭酒肉此輩杼軸茅茨空楚人
重魚不重鳥一作肉汝休枉殺南飛鴻况聞處處鸞男
女割慈忍愛還租庸往日用錢捉私鑄今許一作來鉛
錫和青銅刻泥爲之最易得好惡不合長相蒙萬國
城頭吹畫角此曲哀怨何時終

人日寄杜二拾遺

高適

人日題詩寄草堂遙憐故人思故鄉柳條弄色不忍
見梅花滿枝空一作樊作堪斷腸身在南一作遠蕃無所預心
懷百憂復千慮今年人日空相憶明年人日知一作此

何處一臥東山二

一作三

十春豈知書劍與

一作老

風塵

龍鍾還

一作遠

忝二千石媿爾東西南北人

追酬故高蜀州人日見寄

并序

開文書帙中檢所遺忘因得故高常侍適往居在
成都時高任蜀州刺史人日相憶見寄詩淚洒行
間讀終篇末自枉詩已十餘年莫記存歿又六七
年矣老病懷舊生意可知今海內忘形故人獨漢
中王樊作郡王瑀與昭州敬使君超先在愛而不見情
見乎辭大歷五年正月二十一日却追酬高公此
作因寄王及敬弟

自蒙

一作枉

蜀州人日作不意清詩久零落今晨散帙

眼忽開

一作明

迸淚幽吟事如昨嗚呼壯士多慷慨合

脊高名動寥廓歎我悽悽求友篇感時鬱鬱匡君略

珍做宋版

錦里春光空爛熳，瑤墀侍臣已冥冥。瀟湘水國傍鼉

鼉鄂，杜秋天失鵬鶚。東西南北更誰堪？吳作論白首扁

舟，病獨存遙。一作拱北辰，纏寇盜欲傾東海。洗乾坤

邊塞，西蕃最充斥。衣冠南渡多崩奔，鼓瑟至今悲帝

子。曳裾何處覓王門？文章曹植波瀾闊，服食劉安德

業尊。長笛誰能一作鄰家亂愁思，昭州詞翰與招魂。

蘇大侍御訪江浦賦八韻紀異并序

蘇大侍御渙靜者也。旅于江側，凡一作乃是不交州

府之客，人事都絕久矣。肩輿江浦，忽訪老夫。舟楫

而已，茶酒內余。請誦近詩，肯吟數首。才力素壯，詞

句動人。接對明日，憶其湧思。雷出書篋，几杖之外

殷殷留金石聲。賦八韻記異，亦見老夫傾倒于蘇

至矣。

龐公不浪出蘇氏今有之再聞誦新作突過黃初詩

乾坤幾泊一云反覆揚馬宜同時今晨清鏡中勝食齋

房芝余髮喜却變白間生添一作黑絲昨永一作夜舟火

滅接一作湘娥簾外悲百靈未敢刊一作散風破波一作寒

江遲

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴

嗚呼已十年儒服弊于地征夫不遑息學者淪素志

我行洞庭野歛得文翁肆侏侏胄子行若舞風零至

周室宜中興孔門未應棄是以資雅才渙然立新意

衡山雖小邑首唱恢大義因見縣尹心根源舊宮闕

講堂非曩構大屋加塗墍下可容百人牆隅亦深邃

何必三千徒始壓戎馬氣林木在庭戶密幹疊蒼翠

有井朱夏時轆轤凍階凡耳聞讀書聲殺伐災髣髴
故國延歸望衰顏減愁思南紀改陳作收波瀾西河共
風味采詩倦跋涉載筆尙可記一云常記異高歌激宇宙
凡百慎失墜

入衡州

兵革自久遠興衰看帝王漢儀甚照耀胡馬何猖狂
老將一失律清邊生戰場君臣忍瑕垢河岳空金湯
重鎮如割據輕權絕紀綱軍州體不一寬猛性所將
嗟彼苦節士素于圓鑿方寡妻從爲郡兀者安堵牆
凋弊惜邦本哀矜存事常旌麾非其任府庫實過防
怒刊作怒己獨在此多憂增內傷偏裨限酒肉卒伍單
衣裳元惡迷是似聚謀一作謀洩康莊竟流帳下血大
降湖南殃烈火發中夜高煙焦上蒼至今分粟帛殺

氣吹沅湘福善理顛倒明徵天莽茫銷魂避飛鏑累
 足穿豺狼隱忍枳棘刺遷延抵趺瘡遠歸兒侍側猶
 乳女在旁久客幸脫免暮年慚激昂蕭條向水陸汨
 沒隨魚商報主身已老入朝病見妨悠悠委薄俗鬱
 鬱回剛腸參錯走洲渚春容轉林篁片帆左柳岸通
 郭前衡陽華表雲鳥埤名園花草香旗亭壯邑屋烽
 櫓蟠城隍中有古刺史盛才冠巖廊扶顛待柱石獨
 坐飛風霜昨者間瓊樹高談隨羽觴無論再繾綣已
 是安蒼黃劇孟七國畏馬卿四賦良門闌蘇生在蘇生
侍御勇銳白起強問罪富形勢凱歌懸否臧氛埃期
 必掃蚊蚋焉能當橘一作井舊地宅仙山引舟航此
 行厭暑雨厥土聞清涼諸舅剖符近開緘書札光頻
 繁命屢及磊落字百行江摠外家養謝安乘興長下

流匪珠玉擇木羞鸞凰我師嵇叔夜世賢張子房

彼椽

張勸柴荆寄樂土鵬路觀翺翔

舟中苦熱遣懷奉呈楊中丞通簡臺省諸公

媿爲湖外客看此戎馬亂中夜混黎吐脫身亦奔竄

遇臧玠之亂入衡州

平生方寸心反掌

一作當

帳下難嗚呼殺賢良

不叱白刃散吾非丈夫特沒齒埋冰炭恥以風病辭

胡然泊湘岸入舟雖苦熱垢膩可漑灌痛彼道邊人

形骸改昏旦中丞連帥職封內權得按身當問罪先

縣實諸侯半士卒既輯睦啓行促精悍似聞上游兵

稍逼長沙館鄰好彼克修天機自明斷南圖卷雲水

北拱戴霄漢美名光史臣長策何壯觀驅馳數公子

咸願同伐叛聲節哀有餘夫何激衰懦偏裨表三上

鹵莽同一貫始謀誰其間迴首增憤惋宗英李端公

守職甚昭煥變通迫脅地謀畫焉得算王室不肯微
凶徒略無憚此流須卒斬神器資強幹扣寂豁煩襟
皇天照嗟漢

聶耒陽以僕阻水書致酒肉療飢荒江詩得代
懷興盡本韻至縣呈聶令陸路去方田驛四十
里舟行一日時屬江漲泊于方田

耒陽馳尺素見訪荒江眇義士烈女家風流吾賢紹

昨見狄相孫許公人倫表前期刊作翰林後屈跡縣

邑小知我礙湍濤半旬獲浩漾漾玉篇以沼切上麾下

殺元戎湖邊有飛旄孤舟增鬱鬱僻路殊悄悄側驚

猿猱捷仰羨鸛鶴矯禮過宰肥羊愁當置清醪人非

西喻蜀興在北坑趙方行郴岸靜未話長沙擾崔師

乞已至澧卒用矜少問罪消息真開顏憩亭沼聞崔侍御

漢乞師于洪府師已至袁州北楊中丞琳問罪將士自禮上達長沙矣

杜工部集卷八

杜工部集卷第九目錄

近體詩八十二首

冬日洛城北謁元元皇帝廟

贈韋左丞丈濟

投贈哥舒開府二十韻

上韋左相二十韻

奉贈太常張卿二十韻

敬贈鄭諫議十韻

奉贈鮮于京兆二十韻

贈特進汝陽王二十韻

鄭駙馬宅宴洞中

李監宅

重題鄭氏東亭

題張氏隱居二首

南曹小司寇舅於我太夫人堂下累土爲山旁

植慈竹

龍門

奉寄河南韋尹丈人

贈李白

與許主簿遊南池

登兗州城樓

劉九法曹鄭瑕邱石門宴集

暫如臨邑至嵒山湖亭奉懷李員外

對雨書懷走邀許簿公

已上人茅齋

房兵曹胡馬

畫鷹

與李白同尋范十隱居

臨邑得舍弟書苦雨河溢因寄此詩

過宋員外之問舊莊

夜宴左氏莊

送蔡希曾都尉還隴右寄高三十五書記

春日憶李白

贈陳二補闕

寄高三十五書記

送裴二虬作尉永嘉

城西陂泛舟

贈田九判官

贈獻納使起居田舍人

送韋書記赴西安

陪鄭廣文遊何將軍山林十首

重過何氏五首

冬日有懷李白

杜位宅守歲

與源大少府宴漢陂

崔駙馬山亭宴集

九日楊奉先會白水崔明府

贈翰林張四學士

送張二十參軍赴蜀州因呈楊五侍御

陪諸貴公子丈八溝納涼晚際遇雨二首

白水明府舅宅喜雨

陪李金吾花下飲

贈高式顏

贈比部蕭郎中十兄

九日曲江

承沈八丈東美除膳部員外

奉留贈集賢院崔于二學士

故武衛將軍挽歌三首

官定後戲贈

九日藍田崔氏莊

崔氏東山草堂

對雪

月夜

遣興

元日寄韋氏妹

春望

憶幼子

一百五日夜對月

杜工部集卷第九目錄

杜工部集卷第九

近體詩八十二首

天寶末亂及陷賊中作

冬日洛城北謁元元皇帝廟

廟有吳道子畫五聖圖

配極元都閱憑虛

一作高又作空禁禦

一作

長守祧嚴具禮

掌節鎮非常碧瓦初寒外金莖一氣旁山河扶繡戶

日月近雕梁仙李盤根大猗蘭奕葉光世家遺

一作隨

舊史道德付

一作冠

今王畫手看前輩吳生遠擅場森

羅移地軸妙絕動宮牆五聖聯

晉作連

龍袞千官列

一作

雁行冕旒俱秀發旌旆盡飛揚翠柏深留景紅梨

迴得霜風箏吹玉柱露井凍

英華作動

銀牀身退卑周室

經傳拱漢皇谷神如不死養拙更何鄉

一作方

贈韋左丞丈

濟

左轄頻虛位今年得舊儒相門韋氏在經術漢臣

一作

官須時議歸前烈

吳作列

天倫恨莫俱，鵠原荒宿草。鳳

沼接亭衢，有客雖安命。衰容豈壯夫，家人憂几杖。甲

子混泥途，不謂矜餘力。還來謁大巫，歲寒仍顧遇。日

暮且踟躕，老驥思千里。飢鷹待一呼，君能微感激。亦

足慰榛蕪

一云折骨效區區

投贈哥舒開府

翰

二十韻

今代麒麟閣，何人第一功。君王自神武，駕馭必英雄。

開府當朝傑，論兵邁古風。先鋒百勝

一作華

在略地

一作

妙略兩隅空青海，無

英華作飛

傳箭天山早，挂弓廉頗仍走

敵。魏絳已和戎，每惜河湟棄。新兼節制通，智謀垂睿

英華作眷

想出入冠諸公，日月低秦樹。乾坤繞漢宮，胡人

愁逐北，宛馬又從東。受命邊沙

一作軍麾

遠歸來，御席同

軒墀。曾寵鶴，畋獵舊非熊。茅土加名數，山河誓始終。

策行遺

英華作宜

戰伐契合動昭融勳業青冥上交親氣

概中未為朱履客已見

一作是

白頭翁壯節初題柱生

涯獨轉蓬幾年春草歇今日暮途窮軍事留孫楚行

間識呂蒙

一云鄉曲輕周處將軍拔呂蒙

防身一長劍將欲倚崆峒

云一

腰間有長劍聊欲倚崆峒

上韋左相二十韻

見素

鳳歷軒轅紀龍飛四十春八荒開壽域一氣轉洪鈞

霖雨思賢佐丹青憶老

樊一作直舊

臣應圖求駿馬驚代

得麒麟沙汰江河濁調和鼎鼎新章賢初相漢范叔

已歸秦盛業今如此傳經固絕倫豫樟深出地滄海

闊無津北斗司喉舌東方領搢紳持衡留藻鑑聽履

上星辰獨步才超古餘波德照隣

一云餘陰照北隣

聰明過管

輅尺牘倒陳遵豈是池中物由來席上珍廟堂知至

理風俗盡還淳才傑俱登用愚蒙但隱淪長卿多病
久子夏索居頻回首驅流俗生涯似衆人巫咸不可
問鄒魯莫容身感激時將晚蒼茫興有神爲公歌此
曲涕淚在衣巾

奉贈太常張卿二十韻

均

方丈三韓外崑崙萬國西建標天地闊詣絕古今迷
氣得神仙迴恩承雨露低相門清議衆儒術大名齊
軒冕羅天

一作高

闕琳琅識介珪伶官詩必誦夔樂典

猶稽健筆凌鸚鵡銛鋒瑩鸞鷁友于皆挺拔公望各
端倪通籍踰青瑣亨衢照紫泥靈虬傳夕箭歸馬散
霜蹄能事聞重譯嘉謨及遠黎弼諧方一展班序更
何躋適越空顛躓遊梁竟慘悽謬知終畫虎微分是
醢鷄萍泛

一作跡

無休日桃陰想舊蹊吹噓人所羨騰

躍事仍睽碧海真難涉青雲不可梯顧深慚一作忘鍛
鍊才小辱提攜檻束哀猿叫一作巧枝驚夜鵲棲幾時
陪羽獵應指鈞璜溪

敬贈鄭諫議十韻

諫官非不達詩義早知名破的由來事先鋒孰敢爭
思飄雲物外一作動律中鬼神驚毫髮無遺恨波瀾獨
老成野人寧得所天意薄浮生多病休儒服冥搜信
客旌築居仙縹緲旅食歲崢嶸使者求顏闔諸公厭
禰衡將期一諾一作語重歛使寸心傾君見途窮哭宜
憂阮步兵

奉贈鮮于京兆二十韻

王國稱多士賢良復幾人異才應間出一作世爽氣必
殊倫始見張京兆宜居漢近臣驂騮開道路雕鸚離

風塵侯伯知何等

刊作

文章實致身奮飛超等級容

易失沉淪脫略磻溪釣操持郢匠斤雲霄今已逼台

袞更誰親鳳穴雛皆好龍門客又新義聲紛感激敗

績自逡巡途遠

永一作

欲何向天高難重陳學詩猶孺

子

子夏

鄉賦念

忝一作

嘉賓不得同晁錯吁嗟後却詵

計疎疑翰墨時過憶松筠獻納紆皇眷中間謁紫宸

且隨諸彥集方覬薄才伸破膽遭前政陰謀獨秉鈞

微生霑忌刻萬事益酸辛交合丹青地恩傾雨露辰

有儒愁餓死早晚報平津

贈特進汝陽王二十韻

特進羣公表天人夙德升霜蹄千里駿風翮九霄鵬

服禮求毫髮惟

推一作

忠忘寢興聖情常有眷朝退若

無憑仙醴

醴一作

來

求一作

浮蟻奇毛或賜鷹清關塵不

雜中使日相乘晚節嬉遊簡平居孝義稱自多親棣

萼誰敢問山陵學業醇儒富辭一作華哲匠能筆飛

鸞聳立章罷鳳騫騰精理通談笑忘形向友朋寸長

腸一作堪繾綣一諾豈驕矜已忝歸曹植何知對李膺

招要恩屢至崇重力難勝披霧初歡夕高秋爽氣澄

樽疊臨極浦鳧雁宿張燈花月窮游宴炎天避鬱蒸

硯寒金井水簷動玉壺冰瓢飲唯三逕巖棲在百層

陳作巖居 異一陸且魯作持蠡測海况挹酒如灑鴻寶寧全秘

丹梯庶可凌淮王門有一作客終不媿孫登

鄭駙馬宅宴洞中

主家陰洞細烟霧留客夏簟清一作琅玕春酒盃濃

琥珀薄冰漿椀碧瑪瑙寒誤疑茅堂一作過江麓云

江底已入風磴霾雲端自是秦樓壓鄭谷時聞雜佩聲

珊珊

李監宅

尚覺王孫貴豪家意頗濃屏開金孔雀褥隱繡芙蓉
且食雙魚美誰看異味重門闌多喜色女壻近乘龍

重題鄭氏東亭

在新安界

華亭入翠微秋日亂清暉崩石欹山樹清漣曳水衣
紫鱗衝岸躍蒼隼護巢歸向晚尋征路殘雲傍馬飛

題張氏隱居二首

春山無伴獨相求伐木丁丁山更幽澗道餘寒歷氷
雪石門斜日到林邱不貪夜識金銀氣遠害朝看麋
鹿遊乘興杳然迷出處對君疑是泛虛舟

之子時相見邀人晚興留霽

一作濟

潭鱸發發春草鹿

呦呦杜酒偏勞勸張梨不外求前村山路險歸醉每

無愁

天寶初南曹小司寇舅於我太夫人堂下累土
爲山一匱盈尺以代彼朽木承諸焚香瓷甌甌
甚安矣旁植慈竹蓋茲數峯嶽岑嬋娟宛有塵
外數一本無致乃不知興之所至而作是詩

一匱功盈尺三峯意出羣望中疑在野幽處欲生雲
慈竹春陰覆香爐曉勢分惟南將獻壽佳氣日氛氲

龍門

龍門橫野斷驛樹出城來氣色皇居近金銀佛寺開
往還時屢改川水一作陸日悠哉相閱征途上生涯盡

幾迴

奉寄河南韋尹丈人

甫做廬在偃師承韋公
頻有訪問故有下句

有客傳河尹逢人問孔融青囊仍隱逸章甫尚西東

珍做宋版印

鼎食分為一作門戶詞場繼國風尊榮瞻地絕疎放憶

途窮濁酒尋陶令丹砂訪葛洪江湖漂短一作褐霜

雪滿飛蓬牢落乾坤大周流一作道術空謬慚知薊

子真怯笑揚雄盤錯神明懼謳歌德義豐尸鄉餘土

室難說祝雞翁一云誰話册雞翁

贈李白

秋來相顧尚飄蓬未就丹砂媿葛洪痛飲狂歌空度

日飛揚跋扈為誰雄

與任城許主簿遊南池

秋水通溝洫城隅進小船晚涼草堂本作來看洗馬森木

亂鳴蟬菱熟經時一作雨蒲荒八月天長朝降白露

遙憶舊青氈

登兗州城樓

東郡趨庭日南樓縱目初浮雲連海嶽一作平野入
青徐孤嶂秦碑在荒城魯殿餘從來多古意臨眺獨
躊躕

劉九法曹鄭瑕邱石門宴集

秋水清無底蕭然淨客心掾曹乘逸興鞍馬去相尋

一云到荒林

能吏逢聯璧華筵直一金晚來橫吹好泓下

亦龍吟

一云尊酒宜如此人生復至
今白頭逢晚歲相顧一悲吟

暫如臨邑至蜡山湖亭奉懷李員外率爾成興
野亭逼湖水歇馬高林間鼉吼風奔浪魚跳日映山
暫遊阻詞伯却望懷青關靄靄生雲霧唯應促駕還
對雨書懷走邀許十一簿公

東岳雲峯起溶溶滿太虛震雷翻幕鷲驟雨落河一作

溪魚座對賢人酒門聽長者車相邀愧泥濘騎馬到

堦除

已上人茅齋

已公茅屋下可以賦新詩
枕簟入林僻茶瓜留客遲
江蓮搖白羽天棘夢一作蔓青絲
空忝許詢輩難酬支遁詞

房兵曹胡馬詩

胡馬大宛名鋒稜瘦骨成
竹批雙耳峻風入四蹄輕
所向無空闊真堪託死生
驍騰有如此萬里可橫行

畫鷹

素練風一作如霜起蒼鷹畫作殊
攫身思狡兔側目似愁胡
條鋏光堪擗軒楹勢可呼
何當擊凡鳥毛血灑平蕪

與李十二白同尋范十隱居

李侯有佳句往往似陰鏗余亦東蒙客憐君如弟兄
醉眠秋共被攜手日一作月同行更想幽期處還尋北
郭生入門高興發侍立小童清落景聞寒杵屯雲對
古城向來吟橘頌誰欲討蓴羹不願論簪笏悠悠滄
海情

臨邑舍弟書至苦雨黃河泛溢謹防之患簿領
所憂因寄此詩用寬其意

二儀積風雨百谷漏波濤聞道流河坼遙

一作逕

連滄

海高職思

一作司

憂悄悄郡國訴嗷嗷舍弟卑棲邑防

川領簿曹尺書前日至版築不時操難假黿鼉力空

瞻烏鵲毛燕南吹畎畝濟上沒蓬蒿螺蚌滿近郭蛟

螭乘九皋徐關深水府碣石小秋毫白屋留孤樹青

天

一作雲

矢

一作失

萬艘吾衰向泛梗利涉想蟠桃倚

一作作

却賴天涯釣猶能掣巨鼇

過宋員外之問舊莊

員外季第執金吾見知于代故有下句

宋公舊池館零落守

首一云

陽阿枉道祇從入吟詩許

更過淹留問耆老寂莫向山河更識將軍樹悲風日

暮多

夜宴左氏莊

風林

晉作林風

纖月落衣露淨琴張暗水流花徑春星帶

草堂檢書燒燭短看

一作說

劍

一云煎茗引盃長詩罷聞吳

詠扁舟意不忘

送蔡希曾

魯一作

都尉還隴右因寄高三十五書

記

時哥舒入秦勒蔡子先歸

蔡子勇成癖彎弓西射胡健

男一作

兒寧鬪死壯士恥

為儒官是先鋒得材緣挑

徒了切

戰須身輕一鳥過槍

急萬人呼雲幕隨開府春城赴一作入上都馬頭金狎

恰一作匣駝背錦模糊咫尺雲一作雪山路一云自至青雲外歸飛

青一作西海隅上公猶一作獨寵錫突將且前驅漢使黃

河遠涼州白麥枯因君問消息好在阮元瑜

春日憶李白

白也詩無敵一作數飄然思不羣清新庾開府俊逸鮑

參軍渭北春天樹江東日暮雲何時一尊酒重與細

論文一作話斯文

贈陳二補闕

世儒多汨沒夫子獨聲名獻納開東觀君王問長卿

阜雕寒始音試急天馬老能行自到青冥裏休看白髮

生

寄高三十五書記適

歎惜高生老新詩日又多美名人不及佳句法如何
主將收才子崆峒足凱歌聞君已朱紱且得慰蹉跎

送裴二虬作尉永嘉

孤嶼亭何處天涯水氣中故人官就此絕境興

一作興

誰同隱吏逢梅福遊山憶謝公扁舟吾已就

一作具

把

釣待秋風

一云扁舟吾已買只是待秋風

城西陂泛舟

青蛾皓齒在樓船橫笛短簫悲遠天春風自信牙檣

動遲日徐看錦纜牽魚吹細浪搖歌

一作歌

扇鷺蹴飛

花落舞筵不有小舟能盪槳

樊作解

百壺那送酒如泉

贈田九判官

梁邱

崆峒使節上青霄河隴降王款聖朝宛馬總肥春

一作或

秦首藉將軍只數漢

一作霍

嫖姚陳留阮瑀誰爭長京

兆田郎早見招麾下賴君才並入獨能無意向漁樵

贈獻納使起居田舍人澄

獻納司存雨露邊一作偏地分清切任才賢舍人退食

收封事宮女開函近一作捧御筵曉漏追飛刊作趨吳亦作趨青

瑣闥晴窗點檢白雲篇揚雄更有河東賦唯待吹噓

送上天

送韋書記赴安西

夫子歛通貴雲泥相望懸白頭無籍在朱紱有哀憐

書記赴三捷一作接公車留二年欲浮江海去此別意

蒼一作茫然

陪鄭廣文遊何將軍山林十首

不識南塘路今知第五橋名園依綠水野竹上青霄

谷口舊相得濠梁同見招平生為幽興未惜馬蹄遙

百項風潭上千重

草堂本章本

夏木清卑枝低結子接葉

暗巢鷺鮮鯽銀絲鱠香芹碧澗羹翻疑柂樓底晚飯

越中行

萬里戎王子何年別月支異花開絕域滋蔓匝清池

漢使徒空到神農竟不知露翻兼雨打開拆日

荆作漸

離披

旁舍連高竹疎籬帶晚花碾渦深沒馬藤蔓曲藏

一作

垂

虵詞賦工無

一作何

益山林跡未賒盡捻

蔡夢弼作正

拈書

籍賣來問爾東家

剩水滄江破殘山碣石開綠垂風折筍紅綻雨肥梅

銀甲彈箏用金魚

一作纓非

換酒來興移無洒掃隨意坐

莓苔

風磴吹陰

一作梅

雪雲門吼瀑泉酒醒思臥簟衣冷欲

得一作裝綿野老來看客河魚不取錢只疑瀆朴處自

有一山川

棘刊作棟樹寒雲色茵陳春藕香脆添生菜美陰益一作

蓋食單涼野鶴清晨出一作至山精白日藏石林蟠水

府百里獨蒼蒼

憶過楊柳渚走馬定昆池醉把青荷葉狂遺白接羅

刺七亦切船思郢客解水乞吳兒坐對秦山晚江湖興

頗隨

牀上書連屋階前樹拂雲將軍不好武稚子總能文

醒酒微風入聽詩靜夜分絺衣挂蘿薜涼月白紛紛

幽意忽不愜歸期無奈何出門流水注一作住回首白

雲多一作花多雜自笑燈前舞誰憐醉後歌祇應與朋好

風雨亦來過

重過何氏五首

問訊東橋竹將軍有報書倒衣還命駕高枕乃吾廬

花妥

刊作墮

鸞捎蝶溪喧獺趁魚重來休沐地真作野

人居

山雨樽仍在沙沉榻未移犬迎曾宿客

吳曾漫錄顧陶本作犬憎閱宿

客鴉護落巢兒雲薄翠微寺天清

雍錄作寒

黃子陂向來

幽興極步履

一作履

過東籬

落日平臺上春風啜茗時石闌斜點

照一云

筆桐葉坐

題詩翡翠鳴衣桁蜻蜓立釣絲自今幽興熟

一云自逢今日興

來往亦無期

頗怪朝參懶應耽野趣長雨拋金鎖甲苔臥綠沉槍

手自移蒲柳家纔足稻梁看君用幽意白日到羲皇

到此應常宿相留可判年蹉跎暮容色

一作鬢

悵望好

林泉何路

一作日

霑微祿歸山買薄田斯遊

一作終身

恐不

遂把酒意茫然

冬日有懷李白

寂寞書齋裏終朝獨爾思更尋嘉樹傳不忘角弓詩

短

刊作

褐風霜入還丹日月遲未因乘興去空有鹿

門期

杜位宅守歲

守歲阿戎

刊作

家椒盤已頌花盞簪喧懋馬列炬散

林鴉四十明朝過飛騰暮景斜誰能更拘束爛醉是

生涯

與鄆縣源大少府宴漢陂

得寒字

應爲西陂好金錢罄一餐飯抄雲子白瓜嚼水精寒

無計迴船下空愁避酒難主人情爛熳持答翠琅玕

崔駙馬山亭宴集

蕭史幽棲地林間踏鳳毛
湫流何處入亂石閉門高
客醉揮金椀詩成得繡袍
清秋多宴會賞藥終日困

香醪

九日楊奉先會白水崔明府

今日潘懷縣同時陸浚儀
坐開桑落酒來把菊花枝
天宇清霜淨公堂宿霧披
晚酣留客舞鳧鷖共差池

贈翰林張四學士

翰林逼華蓋鯨力破滄溟天
上張公子宮中漢客星
賦詩拾翠殿佐酒望雲亭
紫誥仍兼綰黃麻似六經
內分魯作頌金帶赤恩與荔枝青
無復隨高鳳空餘泣
聚螢此生任春草垂老獨漂萍
儻憶山陽會悲歌在

一聽

送張二十參軍赴蜀州因呈楊五侍御

好去張公子通家別恨添兩行秦樹直萬點一作蜀

山尖御史新驄馬參軍舊紫髯皇華吾善處於汝定

無嫌

陪諸貴公子丈八溝攜妓納涼晚際遇雨二首

落日放船好輕風生浪遲竹深留客處荷淨納涼時

公子調冰水佳人雪藕絲片雲頭上黑應是雨催詩

雨來霑席上風急一作惡打船頭越女紅裙濕燕姬翠

黛愁纜侵隄柳繫幔宛一作卷浪花浮歸路翻蕭颯陂

塘五月秋

白水明府舅宅喜雨得過字

吾舅政如此古人誰復過碧山晴又濕白水雨偏多

精禱既不昧歡娛將謂何湯年旱頗甚今日醉絃歌

陪李金吾花下飲

勝地初相引余一作徐行得自娛見輕吹鳥毳隨意數

花鬢細草稱偏一作偏稱坐香醪嬾再沽醉歸應犯夜可

怕李金吾

贈高式顏

昔別是一作人何處相逢皆老夫故人還寂寞削跡共

艱虞自失論文友空知賣酒壚平生飛動意見爾不

能無

贈比部蕭郎中十兄甫從姑子也

有美生人傑由來積德門漢朝丞相系梁日帝王孫

蘊藉為郎久魁梧秉哲尊詞華傾後輩風雅藹孤騫

宅相榮姻戚兒童惠討論見知真自幼謀拙醜一作媿

諸昆漂蕩雲天闊沉埋日月奔致君時已晚懷古意

空存中散山陽鍛愚公野谷村寧紆長者轍歸老任
乾坤

九日曲江

綴席茱萸好浮舟菡萏衰季秋時欲半刊作百年秋已半九日
意兼悲江水清源曲荆門此路疑晚來高興盡搖蕩
菊花期

承沈八丈東美除膳部員外阻雨未遂馳賀奉
寄此詩

今日西京掾多除南省郎府掾四人同日拜郎通家惟沈氏謁帝

似馮唐詩律羣公問儒門舊史長清秋便寓直列宿

頓輝光未暇申宴一作安慰含情空激揚司存何所比

膳部默悽傷甫大父昔任此官貧賤人事略經過霖潦妨禮同

諸父長恩豈布衣忘天路牽騏驥雲臺引棟梁徒懷

貢公喜颯颯鬢毛蒼

奉留贈集賢院崔于二學士國輔休烈

昭代將垂白途窮乃叫闈氣衝星象表詞感帝王尊

天老書題目春官驗討論倚風遺鷓鴣路隨水到龍門

竟與蛟螭雜空聞一作寧無驚雀喧青冥猶契闊連源

洞陵厲不小飛翻儒術誠難起家聲庶已存故山

多藥物勝概憶桃源欲整還鄉旆長懷禁掖垣謬稱

三賦在難述二公恩甫獻三大禮賦出
身二公常謬稱述

故武衛將軍挽歌三首

嚴警當寒夜前軍落大星壯夫思感陳作決哀詔惜

精靈王者今無戰書生已勒銘封侯意疎闊編簡為

誰青

舞劍過人絕鳴弓射獸能銛鋒行愜順猛噬失躄騰

赤羽一作雨千夫膳黃河十月冰橫行沙漠外神速至

今稱

哀挽青門去新阡絳水遙路人紛雨泣天意颯風颯
部曲精仍銳匈奴氣不驕無由覩雄略大樹日蕭蕭

官定後戲贈

時免河西尉為右衛率府兵曹

不作河西尉淒涼為折腰老夫怕趨走率府且逍遙
耽酒須微祿狂歌託聖朝故山歸興盡迴首向風颯

九日藍田崔氏莊

自此已後詩十首沒賊時作

老去悲秋強自寬興來今一作終日盡君歡羞將短髮

還吹帽笑倩旁人為正冠藍水遠從千澗落玉山高

並兩峯寒明年此會知誰健在一云醉再一云把茱萸子

細看

崔氏東山草堂

愛汝玉山草堂靜高秋爽氣相一作多鮮新有時自發

鐘磬響落日更見漁樵人盤剝白鴉谷口栗飯煮青

泥坊底芹何為西莊王給事柴門空閉鎖一作好松筠

對雪

戰哭多新鬼愁吟獨老翁亂雲低薄暮急雪舞迴風

瓢棄一作飄弄樽無綠爐存火似紅數州消息斷愁坐正

書空

月夜

今夜鄜州月閨中只獨看遙憐小兒女未解憶長安

香霧雲鬟濕清輝玉臂寒何時一云當倚虛幌雙照淚

痕乾

遣興

驥子好男兒前年學語時問知人客姓誦得老夫詩

世亂憐渠小家貧仰母慈鹿門攜不遂雁足繫難期

一云鹿門攜有處鳥道去無期

天地軍麾滿山河戰角悲儻

一作東

歸免

相失見日

一作爾

敢辭遲

元日寄韋氏妹

近聞韋氏妹迎在漢鍾離郎伯殊方鎮京華舊國移
春城迴北斗郢樹發南枝不見朝正使啼痕滿面垂

春望

國破山河在城春草木深感時花濺淚恨別鳥驚心
烽火連三月家書抵萬金白頭搔更短渾欲不勝簪

憶幼子

字驥子字隔絕在鄜州

驥子春猶隔鶯歌煖正繁別離驚節換聰慧

晉作惠

與

誰論澗水空山道柴門老樹村憶渠愁只

荆作

睡炙

背俯晴軒

青洲一百五日夜對月

無家對寒食有淚如金波斫却顧陶本作折盡月中桂清光

應更多此離放紅蘂想像嘖青蛾晉作娥牛女漫愁思

秋期猶渡河

杜工部集卷第九

春林豈止半陰鬱發南好不具陳五對帝鄉燕面垂

後嗣章乃裁與否莫與鑄鑄孤計枝次驗京華舊園蘇

六日寄章乃規

林大景日

天世軍學燕山阿輝魚悲諭東歸京

井商樹栗小宋貧心世慈弱明斷不從孤兒孺模棋

杜工部集卷第十目錄

近體詩一百二十四首

喜達行在所三首

得家書

奉贈嚴八閣老

奉送郭中丞兼太僕卿充隴右節度使

送楊六判官使西蕃

月

留別賈嚴二閣老兩院補闕

晚行口號

獨酌成詩

行次昭陵

重經昭陵

喜聞官軍已臨賊寇二十韻

收京三首

臘日

紫宸殿退朝口號

曲江二首

曲江對酒

曲江對雨

早朝大明宮 賈至

和賈至舍人早朝大明宮

同前 王維 岑參

宣政殿退朝晚出左掖

題省中院壁

春宿左省

送翰林張司馬南海勒碑

晚出左掖

曲江陪鄭八丈南史飲

送賈閣老出汝州

鄭駙馬池臺喜遇鄭廣文同飲

送鄭虔貶台州司戶

題鄭十八著作虔

端午日賜衣

贈畢四

酬孟雲卿

奉贈王中允維

奉陪鄭駙馬韋曲二首

寄左省杜拾遺

岑參

奉答岑參補闕見贈

送許八拾遺歸江寧觀省

因許八奉寄江寧旻上人

至德二載自京金光門出乾元初有悲往事

寄高三十五詹事

路逢襄陽楊少府入城戲呈楊員外綰

題鄭縣亭子

望岳

至日遣興奉寄北省舊閣老兩院故人二首

得弟消息二首

憶弟二首

得舍弟消息

秦州雜詩二十首

月夜憶舍弟

宿贊公房

東樓

雨晴

寓目

山寺

卽事

遣懷

天河

初月

歸鸞

擣衣

促織

螢火

蒹葭

苦竹

除架

廢畦

夕烽

秋笛

送遠

觀兵

不歸

天末懷李白

獨立

日暮

空囊

病馬

蕃劍

銅瓶

觀西安兵過赴關中待命二首

送人從軍

野望

示姪佐

佐還山後寄三首

從人覓小胡孫許寄

秋日阮隱居致薤三十束

秦州見勅目除薛三璩畢四曜兼述索居

寄彭州高使君適虢州岑長史參三十韻

寄岳州賈司馬巴州嚴使君兩閣老五十韻

寄張十二山人彪三十韻

寄李十二白二十韻

杜工部集卷第十目錄

杜工部集卷第十

近體詩一百二十四首

避賊至鳳翔及收復京師在諫省出華州轉至秦州作

喜達行在所三首

自京竄至鳳翔

西憶岐陽信無人遂却迴眼穿當

一作看

落日心死著

寒灰霧

一作茂

樹行相引蓮峯

一作連山

望忽

一作或

開所親

驚老瘦辛苦賊中來

愁

一作秋

思胡笳夕淒涼漢苑春生還今日事間道暫

時人司隸章初覩南陽氣已新喜心翻倒極嗚咽淚

一作涕霑巾

死去憑誰報歸來始自憐猶瞻太白雪喜遇武功天

影靜千官

一作門

裏心蘇七校前今朝漢社稷新數中

張仲反興年

得家書

去憑遊客寄汝騎來為附家書今日知消息他鄉

且舊居熊兒幸無恙驥子最憐渠臨老羈孤極傷時

會合疎二毛趨帳殿一命侍鸞輿北闕妖氛滿西郊

白露初涼風新過雁秋雨欲生魚農事空山裏眷言

終荷鋤言荷鋤

奉贈嚴八閣老

扈聖英華作扈從登黃閣明公獨妙年蛟龍得雲雨雕

鷲在秋天客禮容疎放官曹可許接聯新詩句句

好應任老夫傳

奉送郭中丞兼太僕卿充隴右節度使三十韻

英

詔發西山一作山西將秋屯一作營隴右兵淒涼餘部曲燁

煇一作赫舊家聲鵬鷲乘時去驂騑顧主鳴艱難須一作

思
上策容易卽前程斜日當軒蓋高歸一作風卷旆旌

松悲天水冷沙亂雪山清和虜猶懷惠防邊不詎一作

敢驚古來於異域鎮靜示得一作專征燕薊奔封豕周

秦觸駭鯨中原何慘黷餘遺一作孽尚縱橫箭入昭陽

殿笳吟細柳營內人紅袖泣短一作王子白衣行宸極

祆星動大一作園陵林一作殺氣平空餘金椀出無復縹

帷輕毀廟天飛雨焚宮火徹明罍罍朝共落榆檜夜

同傾三月師逾整羣胡兇一作勢就烹瘡痍恭承一作親接

戰勇決餘勇一作冠垂成妙譽期元宰殊恩且列卿幾時

迴節鉞戮力掃欃槍圭竇蓬戶云三千士雲梯七十城

取非齊說客祗荆作似魯諸生通籍微班忝周行獨

坐榮隨肩趨漏刻短髮寄媿一作簪纓徑欲依劉表還

疑能無一作厭禰衡漸衰那寧一作此別忍淚獨含情廢邑

狐狸語空村虎豹爭人頻墜塗炭公豈忘精誠元帥

調新律鼎一作鼎前軍壓舊京安邊仍扈從莫作無使後

功名

送楊六判官使西蕃

送遠秋風落西征海氣寒帝京氛祲滿人世別離難

絕域遙懷怒和親願結歡勅書憐贊普兵甲望長安

宣命一作令前程急惟良待士寬子雲清自守今日起

為官垂淚方投筆傷時即據鞍儒衣山鳥怪漢節野

童看邊酒排金盞一作盃夷歌捧玉盤一作草輕一作肥蕃馬

健雪重拂廬乾慎爾參籌畫從茲正羽翰歸來權可

取九萬一朝搏

月

天上秋期近人間月影清入河蟾不沒擣藥兔長生

珍傲宋版

只益丹心苦能添白髮明干戈知滿地一作休照國
西營

留別賈嚴二閣老兩院補闕

得雲字 賈至嚴武
一作兩院遺補諸公

田園須暫往戎馬惜離羣去遠留詩別愁多任酒醺
一秋常苦雨今日始無雲山路時一作吹角一作那
堪處處聞

晚行口號

三川不可到歸路晚山稠落雁浮寒水饑鳥集戍樓
市朝今日異喪亂幾時休遠媿梁江摠還家尙黑頭
獨酌成詩

燈花何太喜酒綠

一作色

正相親醉裏從爲客詩成覺

有神兵戈猶在眼儒術豈謀身共

一作苦

被微官縛低

頭媿野人

行次昭陵

舊俗疲庸主羣雄問獨夫讖歸龍鳳質威定虎狼都

天屬尊堯典神功協禹謨風雲隨絕逸一作足日月繼

享一作高衢文物多師古朝廷半老儒直詞寧戮辱賢

路不崎嶇往者災猶降蒼生喘未蘇指麾安率土盪

滌撫洪鑪壯士悲陵邑幽人拜鼎湖玉衣晨自舉鐵

英華作石馬汗常趨松柏瞻虛靈一作殿塵沙立暝樊作途

寂寥開國日流恨滿山隅

重經昭陵

草昧英雄起謳歌歷數歸風塵三尺劍社稷一戎衣

翼亮貞文德不承戢武威聖圖天廣大宗祀日光輝

陵寢盤空曲熊羆守翠微再窺松柏路還見草堂作有五

雲飛

喜聞官軍已臨賊寇二十韻

胡虜

騎一作

潛京縣官軍擁賊壕鼎魚猶假息穴蟻欲

何逃帳殿羅元冕轅門照白袍秦山當警蹕漢苑入

旌旄路失

濕一作

羊腸險雲橫雉尾高五原空壁壘八

水散風濤今日看天意遊魂貸爾曹乞降那更得尙

詐莫徒勞元帥歸龍種司空握

擁一作

豹韜前軍

旌一作

蘇武節左將呂虔刀兵氣回飛鳥威聲沒巨鼇戈鋌

開雪色弓矢尙

向晉作

秋毫天步艱方盡時和運更遭

誰云遺

貴一作

毒螫

蠶一作

已是沃腥臊睿想

思一作

丹墀

近神行羽衛牢花門騰絕漠拓羯渡臨洮此輩感恩

至羸俘何足操鋒先衣染血騎突劍吹毛喜覺都城

動悲憐

吳作連

子女號家家賣釵釧只待獻春醪

收京三首

仙仗離丹極妖星照玉除須為下殿走不可好樓居

一云得非羣盜起難作九重居暫屈汾陽駕聊飛燕將書依然七廟略

更與萬方初

生意甘衰白天涯正寂寥忽聞哀痛詔又下聖明朝

羽翼懷一作慙商老文思憶帝堯叨逢罪己日霑灑一作

涕洒望青霄

汗馬收宮闕春城鐘賊壕賞應歌杖杜歸及薦櫻桃

雜虜橫戈數魯作槩功臣甲第高萬方頻一作同送喜無

乃聖躬勞

臘日

臘日常年一年作年年煖尚遙今年臘日凍全消侵陵雪色

還萱草漏洩春光有柳條縱酒欲謀良長一作夜醉還

家初散一云放紫一云北宸朝口脂面藥隨恩澤翠管銀

鬢下九霄

紫宸殿退朝口號

戶外昭容紫袖垂雙瞻御座引朝儀香飄合殿春風
轉花覆千官淑景移晝漏希一作聲聞高閣報天顏有
喜近臣知宮中每出歸東省會送夔龍集一作到鳳池

曲江二首

一片花飛減却春風飄萬點正愁人且看欲盡花經
眼莫厭傷多酒入脣江上小堂川作棠巢翡翠花一作苑

邊高塚臥麒麟細推物理須行樂何用晉作事浮名一作

榮一作榮絆此身

朝回日日典春衣每日江頭盡醉歸酒債尋常行處

有人生七十古來稀穿花蛺蝶深深見一作舞點水蜻

蛭款款一云緩緩飛傳語風光共流轉暫時相賞莫相違

曲江對酒

苑外江頭坐不歸水精春一作宮殿轉霏微桃花細逐

楊花落一二云欲共梨花語黃鳥時仍一作兼白鳥飛縱飲久判人

共棄懶朝真與世相違吏一作含情更覺滄洲遠老大

悲傷未拂衣

曲江對雨晉作值雨

城上春雲覆苑牆江亭晚色靜年一作天芳林花著雨

燕脂一作支落水苻牽風翠帶長龍武新軍深一作經駐

輦芙蓉別殿謾焚香何時詔一作重此金錢會暫一作爛

醉佳人錦瑟旁

早朝大明宮呈兩省寮友

賈至

銀燭朝天紫陌長禁城春色曉蒼蒼千條弱柳垂青

瑣百轉流鶯滿建章劍珮聲隨玉墀步衣冠身染御
鑪香共沐恩波鳳池裏朝朝染翰侍君王

奉和賈至舍人早朝大明宮

舍人先世嘗掌絲綸

五夜漏聲催曉箭九重

一作天

春色醉仙桃旌旗日煖

龍蛇動宮殿風微鶯雀高朝罷香煙攜滿袖詩成珠

玉在揮毫欲知世掌絲綸美池上于

一作如

今有

一作得

鳳毛

同前

王

維

絳幘雞人報

一作送

曉籌尙衣方進翠雲裘九天閶闔

開宮殿萬國衣冠拜冕旒日色纔臨仙掌動香烟欲

傍袞龍浮朝罷須裁五色詔佩聲歸到鳳池頭

同前

岑

參

雞鳴紫陌曙光寒鸞嚳皇州春色

草堂作夜

闌金鑲曉鐘

開萬戶玉堦仙仗擁千官花迎劍佩星初落柳拂旌
旗露未乾獨有鳳凰池上客陽春一曲和皆難

宣政殿退朝晚出左掖

天門日射黃金榜春殿晴曛一作赤羽旗宮草微微

霏承委珮鑪烟細細駐遊絲雲近蓬萊常好一作

色雪殘鳩鵲亦多時侍臣緩步歸青瑣退食從容出
每遲

題省中院壁

掖垣竹埤梧十尋洞門對霽一作常陰陰落花遊絲

白日靜鳴鳩乳鷺青春深腐儒衰晚謬通籍退食遲

迴違寸心哀職曾無一字補許身媿比雙南金

春宿左省

花隱掖垣暮啾啾棲鳥過星臨萬戶動月傍九霄多

不寢聽金鑰英華作不寢聽金鑰因風想玉珂明朝有封事數問

夜如何

送翰林張司馬

一云學士

南海勒碑

相國製文

冠冕通南極文章落上台詔從三殿

一云天上

去碑到百

蠻開野館濃花發春帆細雨來不知滄海上

一作使

天

遣幾時迴

晚出左掖

晝刻傳呼淺春旗簇仗齊退朝花底散歸院柳邊迷

樓雪融城溼宮雲去殿低避人焚諫草騎馬欲雞棲

曲江陪鄭八丈南史飲

雀啄江頭黃柳花鷓鴣灘滿晴沙自知白髮非春

事且盡芳尊戀物華近侍即今難浪跡此身那得更

無家丈人文

刊作才

力猶强健豈傍青門學種瓜

送賈閣老出汝州

西掖梧桐樹空留一院陰
艱難歸故里去住損春心
宮殿青門隔雲山紫羅深
人生五馬貴莫受二毛侵
鄭駙馬池臺喜遇鄭廣文
同飲

不謂生戎馬何知共酒盃
然臍郿塢敗握宋景文作秃節

漢臣回白髮千莖雪丹心一寸晉作片灰別離經死一作

此地披寫忽登臺重對秦簫發俱過阮宅一作卷來留

連一作醉留春夜舞一作席淚落强一作更徘徊一作夜舞淚落徘徊

送鄭十八虔貶台州司戶傷其臨老陷賊之故

闕為面別情見于詩

鄭公櫓散鬢成如一成絲酒後常稱老畫師萬里傷心

嚴譴日百年垂死中興時蒼惶一作伶傳已就長途往邈

近無端出錢遲便與先生應永訣九重泉路一作下盡

交期

題鄭十八著作虔

台州地闊

一作辟

海冥冥雲水長和島嶼青亂後

一作繾綣

故人雙別淚春深

一作飄颻

逐客一浮萍酒酣懶舞誰相

拽詩罷能吟不復聽第五橋東流恨水皇陂岸北結

愁亭賈生對鵬傷王傅蘇武看羊陷賊庭可念此翁

懷

一作常

直道也霑新國用輕刑禰衡實恐遭江夏方

朔虛傳是歲星窮巷悄然

一作朝

車馬絕案頭乾死讀

書螢

端午日賜衣

宮衣亦有名端午被恩榮細葛含風軟香羅疊雪輕

自天題處溼當暑著來清意內稱

一云稱身

長短終身

荷聖情

贈畢四曜

才大今詩伯家貧苦宦卑饑寒奴僕賤顏狀老翁爲
同調嗟誰惜論文笑自知流傳江鮑體相顧免無兒

酬孟雲卿

樂極傷頭白更長

一作深

愛燭紅相逢難

流俗本作難

袞袞

告別莫忽忽但恐天河落寧辭酒盞空明朝牽世務
揮淚各西東

奉贈王中允維

中允聲名久如今契闊深共傳收庾信不比得陳琳
一病緣明主三年獨此心窮愁應有作試誦白頭吟

奉陪鄭駙馬韋曲二首

韋曲花無賴家家惱殺人綠樽雖

一作頽

盡日白髮好

禁

一作傷

春石角鉤衣破藤枝

一作蘿

刺眼新何時占叢

竹頭戴小烏巾

野寺垂楊裏春蛙亂水間
美花多映竹好鳥不歸山
城郭終何事風塵豈駐顏
誰能共公子薄暮欲俱還

寄左省杜拾遺

岑參

聯步趨丹陛分曹限紫微
曉隨天仗入暮惹御香歸
白髮悲花落青雲羨鳥飛
聖朝無闕事自覺諫書稀

奉答岑參補闕見贈

窈窕清禁闈罷朝歸不同
君隨丞相後我往

一作住非日

華東冉冉柳枝碧娟娟
花藥紅故人得佳句獨

一作猶

贈白頭翁

送許八拾遺歸江寧
覲省甫昔時常客遊此縣
於許生處乞瓦棺寺維摩圖樣志諸篇末

詔許辭中禁慈顏赴

樊作拜

北堂

一云天語辭中禁家榮赴北堂

聖朝新

孝理祖席倍輝光

一二云行子倍恩光

內

一作贈

帛擎偏重宮衣著

更香淮陰清

新一云

夜驛京口渡江航春隔雞人晝秋

期鷲子涼賜書誇父老壽酒樂城隍

一云竹引趨庭曙山添扇枕涼十年

過父老幾日賽城隍

看畫曾饑渴追蹤恨

一作限

森茫虎頭金粟影

神妙獨難忘

因許八奉寄江寧旻上人

不見旻公三十年封書寄與淚潺湲舊來好事今能

否老去新詩誰與

一作為

傳碁局動隨尋

一作幽

澗竹袈

袈憶上泛湖船聞君話我為官在頭白昏昏只醉眠

至德二載甫自京金光門出問

一作問

道歸鳳翔

乾元初從左拾遺移華州掾與親故別因出此

門有悲往事

此道昔歸順西郊胡正

一作騎

繁至今殘破膽應

一作猶

有未招魂近得侍一作歸京邑移官豈遠一作至尊無才

日衰老駐馬望千門

寄高三十五詹事適

安穩高詹事兵戈久索居時來如知一作宦達歲晚莫

情疎天上多鴻雁池河一作中足鯉魚相看過半百不

寄一行書

路逢襄陽楊少府入城戲呈楊員外綰甫赴華州日許寄員

外茯苓一本戲題四韻附呈許員外為求茯苓

寄語楊員外山寒少茯苓歸來稍暄候和二云暖當為斷

青冥翻動一作神仙一作龍蛇窟封題鳥獸形兼將老藤

杖扶汝醉初醒

題鄭縣亭子

鄭縣亭子澗之濱戶牖憑高發興新雲斷岳蓮臨大

路一作道

天晴

清一作

宮

官一作

柳暗長春巢邊野雀

鵲一作

羣欺鶯花底山蜂遠趁人更欲題詩滿青竹晚來幽

獨恐傷神

望岳

西岳峻嶒

危稜一云

竦處尊諸峯羅立

列一作

如

似一作

兒孫

安得仙人九節杖拄到玉女洗頭盆車箱入谷無歸

一作回

路箭栝

一作晉作闕

通天有一門稍待西

吳一作秋

風涼

冷後高尋白帝問真源

至日遣興奉寄北省舊閣老兩院故人

一作補遺

二

首

去歲茲辰捧御牀五更三點入鷓行欲知趨走傷心

地正想氛氲滿眼香無路從容陪語笑有時顛倒著

衣裳何人錯憶

一作認

窮愁日愁日愁隨

日愁隨

一線

長

憶昨逍遙供奉班去年今日侍龍顏麒麟不動鑪烟

上孔雀徐開扇影還玉几

一作座

由來天北極朱衣只

在殿中間孤城此日堪腸斷愁對寒雲雪

一作白

滿山

得弟消息二首

近有平陰信遙憐舍弟存側身千里道寄食一家村

烽舉新酣戰啼垂舊血痕不知臨老日招得幾人

一作

時魂

汝懦歸無計吾衰往未期浪傳烏鵲喜深負鵲鴿詩

生理何顏面憂端且歲時兩京三十口雖在命如絲

憶弟二首

時歸在南陸渾莊

喪亂聞吾弟饑寒傍濟州人稀吾

一作書

不到兵在見

何由憶昨狂催走無時病去憂即今千種恨惟共水

東流

且喜河南定不問鄴成圍百戰今誰在三年望汝歸
故園花自發春日鳥還飛斷絕人烟久東西消息稀
得舍弟消息

亂後誰歸得他鄉勝故鄉直一作若為心厄苦久念一作

得與汝刊作汝存亡汝書猶在壁汝妾一作室已辭房舊犬

知愁恨垂頭傍我牀

秦州雜詩二十首

滿目悲生事因人作遠遊遲迴度隴怯浩蕩及一作入

關愁水落魚龍夜山空一作通鳥鼠秋西征問烽火心

折此淹留

秦州山一作城北寺勝跡一云傳是隗囂宮苔蘚山門古一作

故丹青野殿空月明垂葉露雲逐渡溪風清渭無情

極愁時獨向東

州圖領同谷驛道出流沙降虜兼千帳居人有萬家

馬驕珠

朱一作

汗落胡舞白蹄

一作題

斜年少臨洮子

一作

至西來亦自誇

鼓角緣邊郡川原欲夜時秋聽殷地發風散入雲悲

抱葉寒蟬靜歸來

一作山

獨鳥遲萬方

一作年

聲一概吾

道竟何之

南使宜天馬由來萬匹強浮雲連陣沒秋草徧

一作滿

山長聞說真龍種仍殘

一云空餘

老驢驢哀鳴思戰鬪迥

立向蒼蒼

城上胡笳奏山邊漢節歸防河赴滄海奉詔發金微

一作徽

士苦形骸黑旌疎鳥獸稀那聞

一作堪

往來戍恨

解鄴城圍

一作旌一作林

莽莽萬重山孤城山

石一作

谷間無風雲出塞不夜月

臨關屬國歸何晚樓蘭斬未還烟塵獨

一作

長望衰

颯正摧

催一云

顏

聞道尋源使從天此路迴牽牛去幾許宛馬至今來

一望幽燕隔何時郡國開東征健兒盡羌笛暮吹哀

今日明人眼臨池好驛亭叢篁低地碧高柳半天青

稠疊多幽事喧呼閱使星老夫如有此不異在郊坰

雲氣接崑崙泜泜塞雨繁羌童看渭水使

估一作

客向

尚一作

河

源烟

火軍中幕牛羊嶺上村所居秋草淨正

閉小蓬門

蕭蕭古塞冷漠漠秋雲低黃鵠翅垂雨蒼鷹饑啄泥

薊門誰自北漢將獨征西不意書生耳

眼一作

臨衰厭

一作

鼓鞞

見

山頭南

東一云

郭寺水號北流泉老樹空庭得清渠一

邑傳秋花危石底晚景臥鐘邊

前一作

俛仰悲身世溪

風爲颯

肅一作

然

傳道東柯谷深藏數十家對門藤蓋瓦映竹水穿沙

瘦地翻宜粟陽坡可種瓜舩人近相報但恐失桃花

萬古仇池穴潛通小有天神魚人不見福地語真傳

近接西南境長懷十九泉何時

當一作

一茅屋送老白

雲邊

未暇泛滄海悠悠兵馬間塞門風落木

一云塞風寒落木

客舍

雨連山阮籍行多興龐公隱不還東柯遂疎懶

一云放

休鑷鬢毛斑

東柯好崖谷不與衆峯羣落日邀雙鳥晴天養

一作卷

片雲野人矜

一作吟

險絕水竹會平分採藥吾將老兒

童未遣聞

邊秋陰易久

一作夕

不復辨晨光
簷雨亂淋幔
山雲低

度牆鷓鴣窺淺井
蚯蚓上深

一作高

堂車馬何蕭索
門

前百草長

地僻秋將盡
山高客未歸
塞雲多斷續
邊日少光輝

警急烽常報
傳聞

一作聲

檄屢飛西戎
外甥國何得
迂

一作近天威

鳳林戈未息
魚海路常難
候火雲烽

一作峯

峻懸軍幕

一作暮

井乾風連西極
動月過北庭
寒故老思飛
將何

時

一作人

議築壇

唐堯真自聖
野老復何知
曬藥能無婦
應門幸

一作亦

有兒藏書聞
禹穴讀記憶

一作悟

仇池為報
鴛行舊鷓

鷓在一枝

月夜憶舍弟

戍鼓斷人行秋邊

一作邊秋

一雁聲露從今夜白月是故

鄉明有弟皆分散

一作歸旅

無家問死生寄書長不避樊作

達況乃未休兵

宿贊公房

京中大雲寺主講此安置

杖錫何來此

一作久

秋風已颯然雨荒深院菊霜倒半

池蓮放逐寧違

一作虧

性虛空不離禪相逢成夜宿隴

月向人圓

東樓

萬里流沙道西征

一云行一云征西

過北

一作此

門但添新戰骨

不返舊征魂

一云但添征戰骨不返死生魂

樓角凌風迴城陰帶水一作

雨昏傳聲看驛使送節向河源

雨晴

一云秋霽

天水一云外秋雲薄從西萬里風今朝好晴景久雨

不妨農塞岸一云柳行疎翠山梨結小紅胡笳樓上發

一雁入高空

寓目

一縣蒲萄熟秋山首藉多關雲常帶雨塞水不成河

羌女輕搖一作烽燧胡兒制掣一作駱駝自傷遲暮眼喪

亂飽經過

山寺

野寺殘僧少山園細路高麝香眠石竹鸚鵡啄金桃

亂石水一作通人過懸崖置屋牢上方重閣晚百里見

秋纖一作毫

即事

聞道花門破和親事却非人憐漢公主生得渡河歸

秋思拋雲髻

髻一作

腰支勝

勝一作

寶衣羣凶猶索戰迴

首意多違

遣懷

愁眼看霜露寒城菊自花天風隨斷柳客淚墮清

一作

晴笳水淨樓

一作城

陰直山昏塞日斜夜來歸鳥盡啼

殺後棲鴉

天河

常時任顯晦秋至輒

一作最

分明縱被微雲掩終能

一作

當云輸

永夜清含星動雙闕伴月落邊城牛女年年渡

何曾風浪生

初月

光細

常時云

弦豈

刊作初

上影斜輪未安微升古塞

一作

蝶

外已隱暮雲端河漢不改色關山空自寒庭前有

白露暗滿菊花團英華作欄

歸鸞

不獨避霜雪其如儔侶稀四時無失序八月自知歸
春色豈相訪一作誤衆雛還識機故巢儻未毀會傍主

人飛

擣衣

亦知戍不返秋至拭清砧已近苦一作暮寒月况經一作

驚長別心寧辭搗熨一作衣倦一寄塞垣深用盡閨中

力君聽空外音

促織

促織甚微細哀音一作聲何動人草根吟一作冷不穩牀

下夜相親久客得無淚放一作故妻難及晨悲絲一作云

與急管感激異天真

螢火

幸因腐草出敢近太陽飛未足臨書卷時能點客衣
隨風隔幔小帶雨傍林微十月清霜重飄零何處歸

蒹葭

摧折不自守

與一云

秋風吹若何暫時花戴

一作

雪幾

處

墮一作水

葉沈波體弱春甲

一云風苗

早叢長夜露多江

湖後搖落亦

只一云

恐歲蹉跎

苦竹

青冥亦自守軟弱強扶持味苦夏蟲避叢卑春鳥疑

軒墀曾不重翦伐欲

亦一云

無辭幸近幽人屋霜根結

在茲

除架

束薪已零落瓠葉轉

卷一作

蕭

相一云疎幸結白花了寧

辭青蔓除秋蟲聲不去暮雀意何如寒事今牢落人
生亦有初

廢畦

秋蔬擁霜露豈敢惜凋殘暮景數枝葉天風吹汝寒
綠沾泥滓盡香與歲時闌生意春如昨悲君白玉盤

夕烽

夕烽來不近一作每日報平安一云夕烽明照塞上傳

光一云小雲邊落一云點殘照秦通警急過隴自艱

難一云聞道蓬萊殿千門立馬看一云恐照蓬萊殿城中幾

道看

秋笛

清商欲盡奏奏苦血霑衣他日傷心極征人白骨歸
相逢恐恨過故作發聲微不見秋雲動悲風稍稍飛

送遠

帶甲滿天地胡爲君遠行親朋盡一哭鞍馬去孤城
草木歲月晚關河霜雪清別離已昨日因見古人情

觀兵

北庭送壯士貔虎數尤多精銳舊無敵邊隅今若何
妖氛擁白馬元帥待彫戈莫守鄴城下斬鯨遼海波
不歸

河間尙征

一作戰

伐汝骨在空城從弟人皆有終身恨

不平數金憐俊邁總角愛聰明面上三年土春

一作秋

風草

一作吹

又生

天末懷李白

涼風起天末君子意如何鴻雁幾時到江湖秋水多
文章憎命達魑魅喜人過應共冤魂語投詩贈汨羅

獨立

空外一鷺鳥河間雙白鷗飄飄搏擊便容易往來遊
草露亦多濕蛛絲仍未收天機近人事獨立萬端憂

日暮

日落風亦起城頭鳥

晉作鳥

尾訛黃雲高未動白水已

揚波羌婦語還哭胡兒行且歌將軍別換馬

一云換駿馬

夜出擁彫戈

空囊

翠柏苦猶食晨

一云明

霞高

一云朝

可餐世人共鹵莽吾

道屬艱難不爨井晨凍無衣牀夜寒囊空恐羞澁留

得一錢看

病馬

乘爾亦已久天寒關塞深塵中老盡力歲晚病傷心

毛骨豈殊衆馴良猶至今物微意不淺感動一沉吟

蕃劍

致

至一云

此自僻遠又非珠玉裝如何有奇怪每夜吐

光芒虎氣必騰越

上一作

龍身寧久藏風塵苦未息持

汝奉明王

銅瓶

亂後碧井廢時清瑤殿深銅瓶未失水百丈有哀音
側想美人意應非悲一作寒甃沈蛟龍半缺落猶得折
黃金

觀安西兵過赴關中待命二首

四

西一云

鎮富精銳摧鋒皆絕倫還聞獻

一作就

士卒足

以靜風塵老馬夜知道蒼鷹饑

秋一作

著人臨危經久

戰用急

意一作

始

使一作

如神

奇兵不在衆萬馬救中原談笑無河北心肝奉至尊
孤雲隨殺氣飛鳥避轅門竟日留歡樂一作觀樂城池未
覺喧

送人從軍

弱水應無地陽關已近天今君渡沙磧累月斷人烟
好武寧論命封侯不計年馬寒防失道雪沒錦鞍韉

野望

清秋望不極迢遞起曾陰遠水兼天淨孤城隱霧深
葉稀風更落山迥日初沉獨鶴歸何晚昏鴉已滿林

示姪佐

佐草堂在東柯谷

多病秋風落君來慰眼前自聞茅屋趣只想竹林眠
滿谷山雲起侵籬澗水懸阮一云宗諸子姪早覺仲

容賢

佐還山後寄三首

山晚浮

黃一云

雲合歸時恐路迷澗寒人欲到村黑鳥

應棲野客茅茨小田家樹木低舊諳疎懶叔須汝故

相攜

白露黃梁熟分張素有期已應春得細頗覺寄來遲

味豈同金

甘一作

菊香宜配綠葵老人佗日愛正想滑

流匙

幾道泉澆圃交橫落慢

或作慢

坡蕨蕤秋葉少

一作小一作菜色

隱映野雲多隔沼連香芰通林帶女蘿甚聞霜薤白

重惠

薦一云

意如何

從人覓小胡孫許寄

人說南州路山猿樹樹懸舉家聞若駭

共一云

為寄小

如拳預晒愁胡面初

一作何

調見馬鞭許求聰慧者童

稚捧應癩

秋日阮

一作陳

隱居致薤三十束

隱者柴門

荆一云

內畦蔬繞舍秋盈筐承露薤不待致

書求束比青藜色圓齊玉筯頭衰年關鬲冷味煖併

一作腹

無憂

秦州見勅

除一云

目薛三璩

當刊作據

授司議郎畢四

曜除監察與二子有故遠喜遷官兼述索居凡

三十韻

大雅何寥闊

廓一作

斯人尚典刑交期余潦倒材力爾

精靈二子聲同日諸生困一經文章開突

鳥一作切

奧

一云

遷擢潤朝廷舊好何由展新詩更憶聽別來頭

一作歲

不寧栖

併白相見眼終青伊昔貧皆甚同憂心

一作歲

不寧栖

遑分半菽浩蕩逐流萍俗態猶猜忌

一作忍

祆氛忽

一作

遂杳冥獨慚投漢閣俱一作議哭秦庭還蜀祇無補

囚梁亦固局華彝相混合宇宙一羶腥帝力收三統

天威總四溟舊都俄望幸清廟肅惟馨雜種雖一作

高壘一作壁長驅甚建瓴焚香淑景殿漲水望雲亭法

駕初還日羣公若會星宮臣仍點染柱史正零丁官

忝趨棲鳳朝迴歎一作聚螢喚人看驪裏不嫁惜娉

婷掘劍知埋獄提刀見發硎侏儒應共飽漁父忌偏

醒旅泊窮清渭長吟望濁涇羽書還似急烽火未全

停師老資殘寇戎生及近垠忠臣辭憤激烈士涕飄

零上一作小將盈邊鄙元勳溢鼎銘仰思調玉燭誰定

握一作萍隴俗輕鸚鵡原情類鵲鴿秋風動關塞

高臥想儀形

寄彭州高三十五使君適虢州岑二十七長史

參三十韻時患瘧病

故古一作人何寂寞今我獨淒涼老去才難雖一作盡秋

來興甚長物情尤可見辭客未能忘海內知名士雲

端各異方高岑殊緩步沈鮑得同樊作周行意愜關飛

動篇終接混茫舉天悲富駱近代惜盧王似爾官仍

貴前賢命可傷諸侯非棄擲半刺已翱翔詩好幾時

見書成無信使一作將男兒行處是客子鬪一作身強

羈旅推賢聖沉綿抵咎殃三年猶瘡疾一鬼不一作

銷亡隔日搜脂髓增寒抱雪霜徒然潛隙地有覩屢

鮮妝何太龍鍾極于今出處妨無錢居帝里盡室在

邊疆劉表雖遺恨龐公至死藏心微傍魚鳥肉瘦怯

豺狼隴草蕭蕭白洮雲片片黃彭門一作劍閣外號

略鼎湖旁荆玉簪頭冷巴牋染翰光烏麻蒸續曬丹

橘露應嘗豈異神仙宅俱兼山水鄉竹齋燒藥竈花

嶼讀書牀更得清新否遙知對屬忙舊官寧改漢淳

俗本歸不離云唐濟世宜公等安貧亦士常蚩尤終戮

辱胡羯漫猖狂會待祆氛靜減云論文暫裹糧

寄岳州賈司馬六丈巴州嚴八使君兩閣老五

十韻

衡岳啼猿裏巴州鳥道邊故人俱不利一作別謫宦兩

悠一作莊然開闢乾坤正一作大榮枯雨露偏長沙才子

遠釣瀨客星懸憶昨趨行殿殷憂捧御筵討胡愁李

廣奉使待張騫無復雲臺仗虛修水戰船蒼茫城七

十流落劍三千畫角吹一作欵秦晉一作塞旄頭俯澗灑

小儒輕董卓有識笑苻堅浪作禽填海那將血射天

萬方思助順一鼓氣無前陰散陳倉北晴熏太白巔

亂麻屍積衛破竹勢臨燕法駕還雙闕王師下八川

此時霑奉引佳氣拂周旋貔虎開金甲刊作匣麒麟受

玉鞭侍臣諳八仗廐馬解登仙花動朱樓雪城凝碧

樹烟衣冠心慘愴故老淚潺湲哭廟悲風急朝正霽

景鮮月分梁漢米春得刊作給水衡錢內藥繁于纈宮

莎刊作花軟勝綿恩榮同拜手出入一作處最隨肩晚著

華堂醉寒重繡被眠轡齊兼秉燭書枉滿懷賤每覺

昇元輔深期列大賢秉鈞方咫尺鍛翻再聯翩禁掖

朋從改一作換微班性命全青蒲甘受一作就黶白髮竟

誰憐弟子貧原憲諸生老伏當作服虔師資謙未達鄉

黨敬何一作推先舊好腸堪斷新愁一作秋眼欲穿翠乾

危棧竹紅膩小湖一作池蓮賈筆論孤憤嚴詩賦幾篇

定知深意苦一作好莫使衆人傳貝錦無停織朱絲有

斷絃浦鷗防碎首霜鷗不空拳地僻昏炎瘴山稠隘
石泉且將棋度日應用酒爲年典郡終微眇治中實
棄捐安排求傲吏比興展歸田去去才難得蒼蒼理
又元古人稱逝矣吾道卜終焉隴外翻投跡漁陽復
控弦笑爲妻子累甘與歲時遷親故行稀少兵戈動
接聯他鄉饒夢寐失侶自迍邐多病加一作淹泊長
吟阻靜便如公盡雄俊志在必騰騫一云公如盡憂患何
事負陶甄

寄張十二山人彪三十韻

獨臥嵩陽

雲一作

客三違潁水春艱難隨老母滲澹向

時人謝氏尋山屐陶公漉酒巾羣兇彌宇宙此物在
風塵歷下辭姜被關西得孟鄰早通交契密晚接道
流新靜者心多妙好一云先生藝絕倫草書何太苦云一

應甚苦 詩興不無神曹植休前輩張芝更後身數篇吟

可老一字買堪貧將恐曾防寇深潛一作情託所親寧

聞倚門夕盡力潔殮晨疎懶為名誤驅馳喪我真索

居猶一作尤寂寞相遇益悲一作吳作愁辛流轉一作轉徒依邊

微逢迎念席珍時來故舊少亂後別離頻世祖修高

廟文公賞從臣商山猶入楚渭水不離一作知秦一作刊作湍水

秦不流存想青龍秘騎行白鹿馴耕巖非谷口結草即

一作欲河濱肘後符應驗囊中藥未陳旅一作放懷殊不

愜良覲渺無因自古皆悲恨浮生有屈伸此邦今一作

全尚武何處且依仁鼓角凌天籟關山信一作倚月輪

官場一作壕羅鎮一作錦磧賊火近洮岷蕭瑟論兵一作功

地蒼茫鬪將辰大軍多處所餘孽尚紛綸高興知籠

鳥斯文起一作豈獲麟窮秋正搖落迴首望松一作湘筠

寄李十二白二十韻

昔年有狂客號爾謫仙人筆落驚一作聞風雨詩成泣

鬼神聲名從此大汨沒一朝伸文彩承殊渥流傳必

絕倫龍舟移棹晚獸錦奪袍新白日來深殿青雲滿

後塵乞歸優詔許遇我宿心親未負一作遂幽棲志兼

全寵辱身劇一作戲談憐野逸嗜酒見天真醉舞梁園

夜行歌泗水春才高心不展道屈善無鄰處士禰衡

俊諸生原憲貧稻梁求未足惹苒謗何頻五嶺炎蒸

地三危放逐臣幾年遭鵬鳥獨泣一作立向麒麟一二云不獨

泣麒麟蘇武先還漢黃公豈事秦楚筵辭醴日梁獄上

書辰已用當時法誰將此義一作議陳老吟秋月下病

起暮江濱莫怪恩波隔乘槎與一作得問津

杜工部集卷第十

三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百